



Communicaziun a las medias

Data: 13.02.2013

Novas valurs prevesidas ed indicaturs en la politica da persunal per l'administraziun federala

Il Cussegl federal ha actualisà oz las valurs prevesidas che pertutgan la represchentaziun da las linguas naziunales en l'administraziun federala. A medem temp ha el determinà cun tgenins indicaturs ch'el vul valitar la relaziun a pli lunga vista tranter il persunal ed ils patruns sco er quant satisfatgs ch'ils collavuraturs èn cun las infurmaziuns al persunal e cun la direcziun. Las novas valurs prevesidas fan part da la Strategia da persunal en l'administraziun federala 2011-2015.

Il Cussegl federal dirigia la politica da persunal tranter auter cun valurs prevesidas ed indicaturs strategics. Tuts dus sa basan sin las finamiras ch'èn francadas en la lescha davart il persunal da la Confederaziun e concretiseschan las finamiras a maun da criteris mesirabels. Per pudair rimnar las fluctuaziuns ch'èn normalas èn ellas concepidas en furma da valurs giavischablas.

Las novas valurs prevesidas ed il indicaturs cumpletteschan las valurs giavischablas existentas e staupan ina largia en il rapport dal management da persunal. En quest rapport infurmescha il Cussegl federal mintg'on las cumissiuns da gestiuns e da finanzas dals cussegls federals davart la realisaziun da la politica da persunal.

Las quatter linguas naziunales ston esser represchentadas en moda adequata en l'administraziun federala. Sco valur directiva vala lur derasaziun en la populaziun svizra. A basa da l'enquista da structura da la dumbraziun dal pievel federala 2010 ha il Cussegl federal determinà las suandantas valurs prevesidas:

Tudestg:	68,5-70,5 %
Franzos:	21,5-23,5 %
Talian:	6,5-8,5 %
Rumantsch:	0,5-1,0 %

Las medemas valurs giavischablas ha il Cussegl federal surpiglià sco indicaturs en il program da legislaziun 2011-2015 per l'egualitad da las schanzas da las minoritads linguisticas.

Per pudair valitar quant cuntents ch'ils collavuraturs èn cun l'infurmaziun al persunal e cun la

Communicaziun a las medias

direcziun e quant aut ch'il grad d'engaschament a pli lunga vista è, vegn duvrada ina scala da 0-100. Ils suandants spectrums da puncts vegnan resguardads sco valurs giavischablas:

Infurmaziun al personal:	66-74 puncts
Direcziun:	63-71 puncts
Engaschament permanent:	74-82 puncts

Questas cifras sa refereschan a datas qualitativas che na derivan betg dal sistem d'infurmaziun dal personal che furnescha datas informaticas, valan ellas sco indicaturs. A partir dad ussa duai vegnir fatg mintg'onn ina controlla represchentativa tar il personal da l'administraziun federala, per pudair examinar la situaziun.

Per indicaziuns pli precisas:

Thomas Schmutz, vicedirectur, manader dal champ economia e controlla da personal, Uffizi federal da personal UFPER, tel. 031 324 95 42, thomas.schmutz@epa.admin.ch

Departament responsabel:

Departement federal da finanzas DFF